

## **Memoria xustificativa do Acordo de colaboración entre a Consellería do Mar da Xunta de Galicia e a Axencia para a Modernización Tecnolóxica de Galicia (AMTEGA) para o financiamento de proxectos das tecnoloxías da información e comunicación que faciliten a aplicación e execución da asistencia técnica no marco do Fondo Europeo Marítimo, da Pesca e da Acuicultura (FEMPA)**

### **1.- Antecedentes**

O Estatuto de Autonomía de Galicia atribúe á Comunidade Autónoma, no seu artigo 28º, a competencia para o desenvolvemento legislativo e a execución da lexislación do Estado no ámbito da ordenación do sector pesqueiro. Neste sentido, o artigo 2 da Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro, establece que a política pesqueira galega terá por finalidade a viabilidade duradeira do sector pesqueiro, marisqueiro e acuícola galego, garantindo a mellora das condicións de vida e traballo das persoas que se dedican a estas actividades mediante a explotación sustentable, equilibrada e responsable dos recursos baseada nun asesoramento científico sólido e tendo en conta os aspectos ambientais, económicos e sociais.

En particular, as accións impulsadas pola Consellería do Mar perseguen, entre outras, alcanzar as seguintes finalidades: garantir unha explotación responsable, equilibrada e sustentable dos recursos mariños, asegurando que a actividade extractiva sexa proporcional á capacidade de produción das especies mariñas, impulsar o desenvolvemento e a ordenación responsable da acuicultura mariña, potenciar o emprego, os ingresos e o nivel de vida das persoas profesionais do sector, así como a seguridade das mesmas no desenvolvemento da súa actividade, fomentar a vertebración do sector pesqueiro galego, fomentar a renovación, modernización e mellora das estruturas pesqueiras, marisqueiras e acuícolas no marco dos recursos existentes, desenvolver e mellorar os procesos de comercialización e transformación dos produtos pesqueiros, potenciar a investigación, o desenvolvemento tecnolóxico e a innovación na pesca, o marisqueo e a acuicultura e fomentar a formación e capacitación profesional do sector pesqueiro, marisqueiro e acuícola.

O Regulamento (UE) 2021/1060, do Parlamento Europeo e do Consello, do 24 de xuño de 2021 polo que se establecen as disposicións comúns relativas ao Fondo Europeo de Desenvolvemento Rexional, ao Fondo Social Europeo Plus, ao Fondo de Cohesión, ao Fondo de Transición Xusta e ao Fondo Europeo Marítimo, de Pesca e de Acuicultura, así como as normas financeiras para os devanditos Fondos e para o Fondo de Asilo, Migración e Integración, o Fondo de Seguridade Interior e o Instrumento de Apoio Financeiro á Xestión de Fronteiras e a Política de Visados, establece que de cara a reducir a carga administrativa, debe ser posible aplicar, a iniciativa do Estado membro, asistencia técnica vinculada á execución do programa mediante un tipo fixo baseado nos avances na execución do programa que tamén pode comprender tarefas horizontais.

O Programa do FEMPA para España, aprobado na Decisión de Execución da Comisión do 29.11.2022, estableceu que haberá un fomento do uso da asistencia técnica facilitando a súa execución mediante a taxa fixa do 6%, polo tanto, a maior execución do Fondo maior orzamento de asistencia técnica para esta execución. Neste senso, o emprego dunha aplicación informática específica de xestión de axudas que posteriormente resulte compatible coa do Ministerio de Agricultura, Pesca e Alimentación (actualmente, a aplicación de xestión do fondo denominada ApliFEMPA), estímase fundamental para axilizar prazos e reducir a carga administrativa.

O artigo 9 do Estatuto da Axencia para a Modernización Tecnolóxica de Galicia (AMTEGA), aprobado polo Decreto 252/2011, do 15 de decembro, e do posterior Decreto 9/2021, do 21 de xaneiro, polo que se suprime o Centro Informático para a Xestión Tributaria, Económico-Financeira e Contable (Cixtec) e se modifica o Decreto 252/2011, do 15 de decembro, a AMTEGA ten entre as súas competencias, a dirección e xestión de todas as actuacións da Xunta en materia de tecnoloxías da información e as comunicacións e o deseño e liderado de



iniciativas que contribúan a impulsar o desenvolvemento da sociedade da información en Galicia, garantindo os dereitos dos cidadáns e eliminando as barreiras que se opoñan á expansión e ao uso das novas tecnoloxías.

A Lei 14/2013, do 26 de decembro, de racionalización do sector público autonómico, establece no seu artigo 14 que a Administración xeral da Comunidade Autónoma e as entidades do sector público, ou estas entre elas, poderán formalizar acordos de colaboración ou cooperación para o servizo aos intereses xerais mediante o desempeño conxunto de tarefas de interese público da súa competencia.

## 2.- Razóns de oportunidade

A Consellería do Mar e a AMTEGA manifestan a súa vontade de levar á cabo este acordo de colaboración para o soporte dos traballos, que teñen como obxecto principal, o impulso de proxectos das tecnoloxías da información e comunicación que faciliten a aplicación e execución da asistencia técnica no marco dos regulamentos do Fondo Europeo Marítimo, da Pesca e da Acuicultura (FEMPA).

Por iso, é necesario indicar que, con data 10 de xullo de 2023 a Consellería do Mar e a Axencia para a Modernización Tecnolóxica de Galicia asinaron un acordo de colaboración para o financiamento de proxectos das tecnoloxías da información e comunicación que faciliten a aplicación e execución da asistencia técnica no marco do Fondo Europeo Marítimo, da Pesca e da Acuicultura (FEMPA). Con posteridade, con datas 25 de outubro do 2024 e 12 de novembro do 2025 asináronse addendas, con obxecto de estender as actuacións e a vixencia, que finalizan o 30 de decembro do 2026.

O proxecto de Desenvolvemento Evolutivo e soporte do Sistema de Xestión dos Procedementos de concesión de apoio financeiro no marco do FEMPA - (sistema de información AXUMAR), que da soporte á xestión de axudas no ámbito das axudas xestionadas no FEMPA e tense consolidado como un sistema base de alto interese para a súa extensión cara a novos procedementos de axudas e desenvolvemento de novas funcionalidades, que leva a considerar necesario seguir evolucionando o sistema de información que da acubillo a dito proxecto, así como de desenvolver novas funcionalidades que faciliten a mellora e adaptación a novas casuísticas e necesidades das distintas unidades xestoras que utilizan ou interesadas en utilizar dito sistema, mais alá da data actual do vencemento do acordo vixente.

Con ese obxectivo cómpre ampliar a vixencia e o esforzo inversor, permitindo a súa evolución, así como o soporte e mantemento do mesmo durante 2026, 2027 e 2028.

## 3.- Obxecto

O obxecto do presente acordo é establecer as pautas que se seguirán na colaboración entre a Consellería do Mar e a AMTEGA para o desenvolvemento das tecnoloxías da información e comunicación que faciliten a aplicación e execución da asistencia técnica no marco do Fondo Europeo Marítimo, da Pesca e da Acuicultura (FEMPA).

Este acordo producirá os seus efectos a partir da data da súa sinatura e a súa vixencia estenderase ata o momento que cese o desenvolvemento nel previsto, e como data límite o 30 de decembro de 2028; sen menoscabo das posibles addendas ou prórrogas que as partes podan establecer e formalizar antes da finalización da vixencia inicial deste acordo.



Ao abeiro deste acordo, pola AMTEGA, desenvolveranse os seguintes proxectos:

- a) **Proxecto 1. Desenvolvemento evolutivo, actualización de contidos e soporte do Portal de difusión das políticas financiadas polos Fondos Europeos, tanto polo Fondo Marítimo e da Pesca para o período 2014-2020** (Regulamento (UE) nº508/2014) como polo **Fondo Marítimo, da Pesca e da Acuicultura para o período 2021-2027** (Regulamento (UE) nº2021/1139).
- b) **Proxecto 2. Desenvolvemento evolutivo, actualización de contidos e soporte do Portal de difusión das axudas ao desenvolvemento local participativo** financiado polos Fondos Europeos, tanto polo Fondo Marítimo e da Pesca para o período 2014-2020 (Regulamento (UE) nº508/2014) como polo Fondo Marítimo, da Pesca e da Acuicultura para o período 2021-2027 (Regulamento (UE) nº2021/1139) na plataforma web dos Grupos de Acción Local do sector Pesqueiro (GALP).
- c) **Proxecto 3. Desenvolvemento evolutivo e soporte do Sistema de Xestión dos Procedementos de concesión de apoio financeiro no marco do FEMPA (sistema de información FEMPA-AXUMAR):** Este sistema da soporte á xestión de axudas no ámbito das axudas xestionadas no Fondo Europeo Marítimo, de Pesca e de Acuicultura (FEMPA) tanto para procedementos da D.X. de Pesca, Acuicultura e Innovación Tecnolóxica como para os procedementos xestionados pola D.X. de Desenvolvemento Pesqueiro.

#### 4.- Orzamento e financiamento

O importe das achegas da Consellería do Mar para a execución do obxecto mencionado ascenderá a un máximo de UN MILLÓN VINTE E OITO MIL EUROS (1.028.000 €), IVE engadido, para os anos 2026, 2027 e 2028.

Estes importes serán obxecto de retención de crédito nas seguintes aplicacións orzamentarias e proxectos do seu orzamento:

Aplicación orzamentaria e proxecto	OIX (1)	2026	2027	2028	TOTAL
<b>16.02. 723A 640.1, proxecto 2023 00193</b>	DXPAIT	1.750 €	350.000 €	300.000 €	651.750 €
<b>16.03. 723A 640.0, proxecto 2023 00192</b>	DXDP	1.250 €	200.000 €	175.000 €	376.250 €
<b>TOTAL</b>		<b>3.000 €</b>	<b>550.000 €</b>	<b>475.000 €</b>	<b>1.028.000 €</b>
(70 % FEMPA, e 30 % Fondos Propios da Comunidade Autónoma)					

(1) OIX: Organismo Intermedio de Xestión (OIX) da Asistencia Técnica do FEMPA, onde se reflicten na anterior táboa como OIX:



- DXPAIT: Dirección Xeral de Pesca, Acuicultura e Innovación Tecnolóxica
- DXDP: Dirección Xeral de Desenvolvemento Pesqueiro

Esta actuación encádrase dentro das actuacións de asistencia técnica comprendidas no Regulamento (UE) 2021/1060, do Parlamento Europeo e do Consello, do 24 de xuño de 2021 polo que se establecen as disposicións comúns relativas ao Fondo Europeo de Desenvolvemento Rexional, ao Fondo Social Europeo Plus, ao Fondo de Cohesión, ao Fondo de Transición Xusta e ao Fondo Europeo Marítimo, de Pesca e de Acuicultura, así como as normas financeiras para os devanditos Fondos e para o Fondo de Asilo, Migración e Integración, o Fondo de Seguridade Interior e o Instrumento de Apoio Financeiro á Xestión de Fronteiras e a Política de Visados.

## 5.- Tramitación

En base ao exposto, propónse a tramitación deste proxecto de acordo de colaboración para que se someta ao informe da Asesoría Xurídica da Consellería do Mar.

Santiago de Compostela, na data da sinatura dixital

O director xeral de Pesca, Acuicultura e  
Innovación Tecnolóxica

A directora xeral de Desenvolvemento  
Pesqueiro

Isaac Miguel Rosón Sánchez Brunete

María Ángeles Vázquez Suárez

